



Broj: 09/2-16-8-45328-10/25
Sarajevo, 19.12.2025. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama BiH ("Službeni glasnik BiH", br. 39/14, 59/22 i 50/24), te prijedloga Komisije za javne nabavke utvrđenog u Zapisniku o pregledu i ocijeni ponuda, broj: JN1-16-8-45328-9/25 od 19.12.2025. godine, u postupku javne nabavke radova na zamjeni lifta u objektu Ministarstva, ministar vanjskih poslova Bosne i Hercegovine, **donosi:**

ODLUKU
o izboru najpovoljnijeg ponuđača

Nabavka radova na zamjeni lifta u objektu Ministarstva

Prihvata se prijedlog Komisije za javne nabavke utvrđen u Zapisniku o pregledu i ocijeni ponuda, broj: JN1-16-8-45328-9/25 od 19.12.2025. godine, te se Ugovor u postupku javne nabavke radova na zamjeni lifta u objektu Ministarstva, dodjeljuje ponuđaču „**LIFTMONT**“ d.o.o. **Sarajevo**, za ponuđenu cijenu od 71.500,00 KM bez PDV-a, odnosno 83.655,00 sa uračunatim PDV-om.

Ova odluka objavit će se na web-stranici www.mvp.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama ("Službeni glasnik BiH", br. 39/14, 59/22 i 50/24).

Odabrani ponuđač je dužan u roku od 5 (pet) dana, računajući od dana dostavljanja ove Odluke, dostaviti originale ili ovjerene kopije dokumentacije iz člana 45. Zakona o javnim nabavkama, na način kako je to propisano tenderskom dokumentacijom.

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Postupak nabavke pokrenut je Odlukom o pokretanju postupka broj: 09/2-16-8-45328-1/25 od 08.12.2025. godine, u kojoj je predviđeno da procijenjena vrijednost nabavke iznosi 77.000,00 KM bez PDV-a.

Obavještenje o nabavci broj: 253-7-3-16-3-82/25, objavljeno je na Portalu javnih nabavki dana 09.12.2025. godine, kao i u „Službenom glasniku BiH“, broj 74/25 od 12.12.2025. godine.

Nabavka je pokrenuta putem konkurentskog zahtjeva za dostavu ponuda i u istom nije predviđeno održavanje e-Aukcije.

Komisija je Zapisnikom o pregledu i ocijeni ponuda za izbor najpovoljnijeg ponuđača u postupku javne nabavke radova na zamjeni lifta, broj : JN1-16-8-45328-9/25 od 19.12.2025. godine konstatovala da je do krajnjeg roka za prijem ponuda, 19.12.2025. godine, pristigle

ponude sljedećih ponuđača:

1. „Schindler BH“ d.o.o. Sarajevo, pristigla dana, 19.12.2025. godine u 08:39 sati, sa ukupnom cijenom ponude bez PDV-a u iznosu od 76.665,00 KM, odnosno u iznosu od 87.455,00 KM sa PDV-om, i
 2. „Liftmont“ d.o.o. Sarajevo, pristigla dana, 19.12.2025. godine u 08:40 sati, sa ukupnom cijenom ponude bez PDV-a u iznosu od 71.500,00 KM, odnosno u iznosu od 83.655,00 KM sa PDV-om
- Nije bilo neblagovremeno pristiglih ponuda.

Analizom dokumentacije pristiglih ponuda, te suštinskom provjerom sadržaja i validnosti istih, Komisija je utvrdila da obje ponude ispunjavaju formalno-pravne, ekonomske i tehničke uslove tenderske dokumentacije, te da su obje ponude prihvatljive i mogu biti predmet vrednovanja shodno kriterijima utvrđenim Obavještenjem o nabavci i tenderskom dokumentacijom.

Na osnovu prethodnih konstatacija, a u skladu sa članom 64. stav (1) tačka b) i članom 65. Zakona o javnim nabavkama BiH, Komisija je jednoglasno dala preporuku da se donese Odluka o izboru najpovoljnijeg ponuđača za javnu nabavku radova na zamjeni lifta u objektu Ministarstva, i da se Ugovor dodijeli ponuđaču „LIFTMONT“ d.o.o. Sarajevo, za ponuđenu cijenu od 71.500,00 KM bez PDV-a.

Cijeneći navedeno donesena je odluka kao u dispozitivu.

Pouka o pravnom lijeku:

Protiv ove Odluke može se izjaviti žalba Kancelariji za razmatranje žalbi, najkasnije u roku od 5 (pet) dana od dana prijema ove Odluke i to u pismenoj formi, u dovoljnom broju primjeraka, a koji ne može biti manji od tri.



DOSTAVITI:

1. Ponuđačima,
2. Odsjeku za opšte poslove, arhiv i dokumentaciju
3. Evidenciji a/a.